



Hajdeker: Dvije godine bio na čelu EUFOR-a

EUFOR

Hajdeker odlazi

► Komandant EUFOR-a generalmajor Diter Hajdeker (Dieter Heidecker), nakon što je proveo dvije godine na čelu Evropskih snaga u BiH, 17. decembra završava sa službom u misiji, saopćio je EUFOR. Hajdeker je 3. decembra 2012. na dužnost postavilo Političko i sigurnosno vijeće EU, koje je 2013. produžilo njegov boravak za još godinu.

Zenica

Edukacija političarki

► Centar za promociju civilnog društva, u okviru programa osnaživanja i pružanja podrške ženama u politici, organizirao je u Zenici jednodnevnu „TAG radionicu“ koja je okupila 38 mladih žena. Riječ je o mentorskom programu za žene u BiH pod nazivom „Mentoring“, koji TAG Grupa realizira i u širem regionu.

Bihac



Montažni objekt MIZ Bihac: Razvaljena sva vrata

Provaljeno u Medžlis iz

► U montažni objekt Medžlisa Islamske zajednice (MIZ) Bihac provaljeno je u noći s nedjelje na ponedjeljak, a lopovi su, kako saznaje „Avaz“, ušli na glavni ulaz i nakon toga razvalili sva vrata u objektu. Najvjerovatnije aparatom za varenje otvorili su kasu Medžlisa i iz nje odnijeli za sada nepoznate stvari i dokumente, a pored toga ukrali su i tri monitora. **M. D.**

Nedeljko Đukić izjašnjenje o krivici

► Ročište za izjašnjenje o krivici pred Odjelom I za ratne zločine Suda BiH u predmetu „Nedeljko Đukić“ zakazano je za danas. Sud je 1. oktobra potvrdio optužnicu koja Đukića tereti za ratni zločin protiv civilnog stanovništva.

EKSKLUZIV Potpredsjednica EP-a Ulrike Lunaček za „Avaz“

Zapadni Balkan pripada Evropi, a nikako Rusiji!

Vladimir Putin neće imati uspjeha na Balkanu, kaže Doris Pak • Političari zapadnog Balkana moraju shvatiti kome pripadaju

Njemačka konfrontacija s Rusijom, zbog pokušaja Moskve da, između ostalog, i pritiskom na Bosnu i Hercegovinu i Srbiju ostvari dodatni utjecaj na ove zemlje, imala je za posljedicu hitnu reakciju ministra vanjskih poslova Njemačke Frank-Valtera Štajnmajera (Frank-Walter Steinmeier), koji je sinoć, kako su izvijestili njemački mediji, otputovao u Moskvu.

Junkerova greška

Potpredsjednica Evropskog parlamenta (EP) Ulrike Lunaček (Lunacek) u ekskluzivnoj izjavi za „Avaz“ ocijenila je da je Balkan



Lunaček: Evropa mora uputiti jasan signal

Kolateralna šteta

Donedavni izvjestilac Evropskog parlamenta za Srbiju Jelko Kacin cijeni da BiH i zapadni Balkan predstavljaju jedan od graničnih izazova kada je riječ o konfrontaciji Njemačke i Rusije.

- Hoće li Putin uspjeti ostvariti efekt da zastraši EU utjecajem Rusije na

Balkanu, ovisit će u prvom redu o političarima zapadnog Balkana. Ali, treba imati na umu da Rusija samo štiti svoje interese. Ako to političari sa zapadnog Balkan ne shvate, onda će oni i njihove zemlje postati kolateralna šteta Rusiji - kaže Kacin.

zbog ruskog pritiska nesumnjivo doveden u problematičnu situaciju.

- Moja najveća kritika ide aktuelnom predsjedniku Evropske komisije Žan-Klodu Junckeru (Jean-Claude Juncker), koji je prije tri mjeseca, kada je izabran, bez potrebe rekao da u narednih pet godina neće biti proširenja. To jeste realistično, ali smatram da je na taj način poslan kontraproduktivan signal za zemlje zapadnog

Balkana. Zadatak EU sada će biti da pokažemo da zapadni Balkan pripada Evropi i EU, a nikako Rusiji - kaže Lunaček za „Avaz“.

Raspoloživa sredstva

Dugogodišnja agilna izvjestiteljica Evropskog parlamenta za BiH Doris Pak (Pack) kategorična je u tvrdnji da Putin neće imati uspjeha na Balkanu te da neće daleko doći sa zastrašivanjem EU.

- On se koristi svim raspoloživim sredstvima, pa je logično da to pokušava i na način da ostvari utjecaj na Balkanu. No, ljudi koji žive u BiH i u Srbiji moraju imati na umu da pripadaju Evropi, koja njeguje demokratske vrijednosti i ljudska prava. Stoga EU očekuje da političari u BiH budu svjesni toga gdje vide budućnost svoje države - kazala je Pak za „Avaz“.



PAK: Nema zastrašivanja EU

Potcrtala je da se Evropa ne treba bojati pokušaja Rusije da ovlada Balkanom, a s druge strane „trebamo pojačati naše napore i pomoći BiH na njenom evropskom putu“. **A. DUČIĆ**



Čavić: Prosljedio prijavu nadležnima

MUP RS podnio izvještaj Specijalnom tužilaštvu

Cvijanović prisluškivana pa joj montirana snimka

Očito je više osoba učestvovalo u kupovini mandata i političkoj korupciji, kaže Dragan Čavić



Cvijanović: Tražila da se provede istraga

Optužbe za političku korupciju, odnosno za „kupovinu poslanika“, u trenutku kada se vode stranački pregovori o formiranju entitetske vlasti, a nijedna strana, okupljene oko SNSD-a i SDS-a, nema sigurnu većinu u NSRS, nastavljaju potresati Republiku Srpsku.

Prividan razgovor

Uprava kriminalističke policije Ministarstva unutrašnjih poslova RS podnijela je jučer Specijalnom tužilaštvu izvještaj protiv NN izvršioca ili više njih zbog izvršenja krivičnog djela neovlaštenog prisluškivanja i tonskog snimanja više privatnih razgovora predsjednice

Vlade RS Željke Cvijanović. Potvrđeno je to „Dnevnom avazu“ jučer u MUP-u RS. - Na određenom broju elektronskih medija 15. novembra je objavljena montirana, kompromitujuća snimka privatnog razgovora predsjednice Vlade RS snimljena posebnim tehničkim, sofisticiranim sredstvima za audio i video snimanje, na kojoj su iz teksta izvađene pojedinačne

izjave premijera te montirane s drugim izjavama, a na taj način stvoren izveden, prividan stvarni razgovor između predsjednice Vlade i NN osoba - sa govornika - saopćeno je jučer iz entitetskog MUP-a.

To krivično djelo, prema ocjeni MUP-a RS, počinjeno je tako što je „u prethodnom periodu u više navrata ili u kontinuitetu vršeno neovlašteno tonsko snima-

nje - prisluškivanje razgovora predsjednice Vlade RS“. Mediji su objavili audio snimku, čija autentičnost još nije potvrđena, a na kojoj se čuje Cvijanović, koja s nekim drugim osobama razgovara o „kupovini poslanika“.

Cvijanović i SNSD odmah su se obratili nadležnim policijskim organima te zatražili provjeru autentičnosti snimke te pokretanje istrage. Isto su učinili i iz opozicije.

Suštinska pitanja

Predsjednik NDP-a Dragan Čavić jučer je prosljedio prijavu glavnom tužiocu Okružnog tužilaštva Banja Luka, direktoru policije RS

i Agenciji za istrage i zaštitu (SIPA), tražeći da bude utvrđeno i to je li bilo pokušaja ili kupovine poslanika, kako se govori na snimci.

- Kada je u pitanju taj snimak, u kojem se čuje glas Željke Cvijanović, očigledno je otkrivena namjera da se koriste nezakonita sredstva u proširenju skupštinske većine, a istraga ide u pravcu samo da se djelo okvalifikuje kao neovlašteno snimanje. Očito je više osoba učestvovalo u kupovini mandata, što ima karakter korupcije ili primanja i davanja mita, što je, također, krivično djelo, kao što je i politička korupcija - napomenuo je Čavić. **V. S.**

Ko je snimao, a ko podmićivao

Čavić je jučer kazao kako „ne želi da bude utvrđeno samo koja je to osoba neovlašteno snimala nego i koje

su osobe učestvovala u podmićivanju poslanika i koji su to poslanici primali mita ili neke druge privilegije“.